

## Kikkuuvugut?

PI/SPS Kalaallit Nunaanni kisiartaalluni perorsaannermit ilinniarfiuvoq.

Isumaginninnermik ingerlataqarfiup iluani pikkorissutsimik qaffassaaqataasunik ilinniakkanik pikkorissarnernillu neqerooruteqarpugut. Ilanngullugu apeqqutigineqartillugu pikkorissaanernik naleqqussarlugit aqqissuussanik neqerooruteqartarpugut. Pikkorissaasarnerit neqerooruterpassuagut nittartakkatsinni takukkit.

Takorluugarput:

- Inuiaqatigiinni perorsaaneq pillugu ilisimasaqassutsip pingaruteqassusia isiginiarparput, tamanna innuttaasut tamarmik ineriartornerannut ingerlalluarnerannullu tunngavissuusammaat.
- Tunngaviumik isuma aallaavigalugu sulivugut, tassalu perorsaannermik sulinermi "inuk tamarmiusoq" aamma inuit ataasiakkaat inunnik allanik susassareqateqarnerat isiginiarneqassasut.
- Ilinniarfiorusuppugut akuerisaasoq orniginartorlu, piginnaaneqarfittut qitiusoq, ilisimasaqassutsikkut qajannaatsumik tunngavilik aamma isumaginninnerup perorsaanerullu iluanni ilinniartitaanernik siuariartornermik qulakkeerinnittoq.

## Attavigitigut

Oqarasuaat: +299 38 35 50

Mail: kursus@pi.sps.gl

Nittartagaq: pi.sps.gl/kurstyper/



PI/SPS Perorsaannermik Ilinniarfik

## PKU pikkorissarneq

Ilinniagaqanngitsunut piginnaasanik ineriartortitsineq

# Meeqqanut ulluunerani neqerooruteqarfiusuni suleqatigiinneq



**PERORSAANERMIK ILINNIARFIK**  
SPS - SOCIALPÆDAGOGISK SEMINARIUM - <http://pi.sps.gl/>

# Ilisarititsineq

Pikkorissaanermi matumani ulluunerani paaqqinnittarfinni sulisut atuisut kiisalu sulisut akornanni pitsaanerusumik suleqatigiinnissamut ilisimasat tunniunneqassapput.

Pikkorissaanerup kingorna peqataasut ulluinnarni perorsaанermik suliaqarnermi atortussatut atorsinnaasunik piginnaasaqalissapput. Susassareqatigiinnermik pilersitseqataasinnaassapput, sulisut atuisullu akornanni tatiginninnermik pilersitsinissamik ukkataqarlutik.

- Ulloq 1: Ulluunerani paaqqinnittarfinni suleqatigiinnermut ilisarititsineq
- Ulloq 2: Angajoqqaanik suleqateqarneq aamma suleqatigiit iluanni suleqatigiinneq
- Ulloq 3: Susassareqatigiinnermik suliaqarneq

Saqqummiineq sungiusarnerillu paarlagiiaaneqassapput. Piffissap ilaani gruppikaarluni sulisoqartassaaq, tassani nammineq ilisimasat misilittakkallu eqqartorneqartassallutik.

Aaqqiagiinnginnerit ukkatarineqassapput – sulisut akornanni kiisalu atuisut aamma sulisut akornanni. Ullut aallartinneqartassapput pilersaarut saqqummiunneqarluni, ilaatigut pikkorissarnermi peqataasut kissaataannut naleqqussarneqalaarsinnaavoq. (Ass. Suleqatigiit – suleqatigiit/atuisut akornanni suleqatigiinneq pillugu annertunerusumik/annikinnerusumik eqqartuineq).

## Sullinniakkat

Pikkorissarneq una ulluunerani paaqqinnittarfinni sulisunut ilinniagaqarsimanngitsunut imaluunniit suliffissarsiortunut, suliaasaqarfimmi matumani sulilernissamut ilinnialernissamulluunniit kissaateqartunut saaffiginnippoq. Ilinniarsimasut pikkorissartitsinerimi inissaqarpat peqataasinnaapput.

**PIFFISSAQ:** Pikkorissarneq **ulluni pingasuni** sivismussuseqarpoq, 7 tiimit atuartsiviusassallutiik nal. 9.00-16.00.

**AKIA:** Ilinniagaqarsimanngitsunut suliffissarsiortunullu akeqanngilaq.

**QINNUTEQARFISSAQ KINGULLEQ:** Ukiq 2024

**SUMIIFFIK:** PI/SPS Perorsaанermik Ilinniarfik, Ilulissat.

**OQAATSIT:** Kalaallisut

## Ilinniartitsisoq

Kingusinnerusukku nalunaarutigineqassaaq.

## Peqataanissamut nalunaarneq aamma taamaatitsineq

Peqataanissamut nalunaarsinnaavutit nittartakkami [www.pi.sps.gl/kursusafdeling](http://www.pi.sps.gl/kursusafdeling) immersugassap immersorneratigut. Immersugassaq digitalimik imaluunniit anillatsillugu immersorneqarsinnaavoq uungalunassiullugu kursus@pi.sps.gl.

Pikkorissarnissamut akuerisaanerit pikkorissarnerup aallartinnissaa qaamammik ataatsimik sioqqullugu ilisimatitsissutigineqassaaq.

Peqataasinnaajunnaaruit, tamanna piorsaavimmuut nalunaarutigissavat mailikkut kursus@pi.sps.gl imaluunniit sianerlutit +299 38 35 50.

## Peqataanermut akiliut

Ilinniagaqarsimanngitsut aamma suliffissarsiortut angalanerat, unnuinerat nerisaqarnerallu PKU-mit aningaasaliissutinit Perorsaанermik Ilinniarfiup akilissavai. Pikkorissartunut sulisunut atuuppoq, pikkorissarnermi sulisitsisoq nalinginnaasumik akissarsiaqartitsissaaq, pikkorissarnermilli taarsiivigineqarluni utertitsivigineqassalluni akit atuuttut naapertorlugit. Sulisorisamut ilinniarsimanngitsumut taarsiiviginnineq ullormut 718 kr. kiisalu sap. Akunneranut 3.590 kr. Ilinniagaqarsimasut peqataanerannut aningaasarsiaqartitsinermut taarsiivigittoqassanngilaq/ pikkorissarnermi ajunngitsorsiaqartitsisoqassanngilaq.

## Pikkorissarsimanermut uppersaat

Pikkorissarsimanermut uppersaammik tunineqassaatit, pikkorissarnermi peqataanerit minnerpaamik 85%-iuppat.